

迦葉結經  
撰集三藏及雜藏傳

四百卅六  
獸七

51061



元祿九年丙子二月日重脩

皇圖翠閣 帝階銀昌  
佛日增輝 轉常轉

山城州天安寺法金剛院置



二經同卷

迦葉結經

撰集三藏及雜藏傳

迦葉結經

後漢安息三藏安世高譯

聞如是一時世尊滅度未久諸羅漢等悉會  
共議未集經藏法律諸義各心念言吾等所

作已辦越塵勞山枯竭愛河一切智  
中天眼忽不見吾等患狀載攝是身今欲  
泥洹即說偈曰

已度愚人淵 恩愛海難越 破壞俗朽老

及生死之輪 見諸種眾着 身如虻虵篋

我等當滅度 意淨如燈滅



於是無數千阿羅漢等各自從意所好山巖  
流河泉源深岸之中於彼滅度盡其恩愛如  
燈忽滅時無數千阿羅漢等悉般泥洹天住虛  
空白大迦葉今真人等已滅度安於是天人  
即說頌曰

宜尊之音聲

其久心無尋

今是為已逝

佛者消垢安

如應眾導首

以為定離慧

忽愚癡窈冥

法德光不見

尊者迦葉聞是言已心自念言快哉天人說

此世間不久當復窈冥此當云何即自念言

便以解了今攝結義當集經律諸法化要用

哀愍故安隱世間何以故世尊從無數劫作

行積功累德勤苦難量欲安世間集是法律  
律以救攝於是奉護佛法所化未滅度頃當  
共合集攝護法化於是賢者大迦葉等會比  
丘僧便告言曰阿那律等能仁無常金剛山  
壞佛勝日冥非常之闇蔽能仁光非常之日  
空竭佛海非常之火燒一切智今正是時常  
護世間念父功德當立父事稱譽父教所作  
使成於是頌曰

未結無上義 不當捨滅度 且安佛之子  
須集眾經卷

於是眾比丘僧適說是已尊者迦葉五百羅  
漢欲合集結正法律義便詣羅閱祇聚會歲

臘尔時賢者阿難亦具歲臘其諸耆年心念  
如是此阿難者世尊之弟又常親侍聞持大  
智解一切法尔時聖眾即便歎曰

於是和順眾 奉佛教如掌 十力所稱譽

所言淨持慧

於是七月十五日新歲已竟便集經卷法律  
諸歲五百羅漢悉俱聚會耆年大迦葉告賢  
者阿那律卿觀世間誰離十力如來弟子眾  
僧何所羅漢所作已辦而不來會乎於是阿  
那律即以天眼察視世間報曰仁者大迦葉  
有耆年名曰橋桓鉢在尸利天宮而作新歲  
彼不來會唯大迦葉當遣僧使請呼至此尔

時衆中有幼者新受大戒三年比丘比丘字  
不那三垢已斷逮三達智曉三藏經獲于三  
明不着三界猶得自在於彼大迦葉告衆僧  
曰年少比丘子汝能為衆僧使平時賢者不  
那起住义手受如尊教輒能行耳大迦葉曰  
善哉善哉比丘賢聖衆中有是年幼比丘甚

為佳矣說是則已頌曰

尸利若干種

衆華光盛耀

疾速往到彼

如蜂採軟香

橋桓鉢神通

所止而有勝

如乎承衆教

宣化如是意

大迦葉之等

衆僧遣吾告

於此興僧事

速來至于期

於是賢者不那從衆羅漢受是命已譬如金

翅鳥踊出龍宮如人胸頃到憍桓鉢所稽首  
禮足談語問訊便說頌曰  
寂然善哉性 樂定滅調順 志淨迦葉請  
及餘尊自在 合會有僧事 最興佛無量  
彼因欲命具 來下見衆勝  
於是賢者憍桓鉢聞不那言一時心念謂不  
那曰仁者不那有比丘僧得無鬪變諍訟之  
事十力所轉法輪之教衆邪異道無亂之乎  
外道畜生如驚鹿輩得無欲以壞於佛法邪  
黨得無以螢火之明欲障日之光耀乎得無  
以非寂志見沙門像無梵志行自謂清淨又  
不那仁者當說佛告比丘衆教而卿反謂迦



葉之等比丘之衆將無大哀世尊般泣洎將  
無演慧世珍不見異道耗亂正法之教儻無  
十力轉法輪王自在非常忽而不見將無太  
哀安隱一切救護衆生寂而不起佛日不沒  
乎佛喻月光得無星尋有覆蔽將無道樹覺  
意生花興盛之好沙門果實歸于無常世間  
大燈得無非常風滅之耶得無非常水滅于  
佛火儻無愚癡子諍亂佛教將法輪義追返  
不還無佛月耀光明為盡將阿須輪障大光  
明

亦時賢者不那曰唯憍桓鉢佛船已壞慧山  
已崩諸持法之等亦歆滅度越彼世間憍桓

鉢曰惡人得無合鬪變詳云何於世間得聞  
正法於是而寂謂不那曰以為拔惡餘在無  
要離如來光世間無復威神之耀當往何求  
即時頌曰

世間以為空

無佛無所樂

閻浮利何索

便於是滅度

於是賢者憍桓鉢取鉢衣服與不那曰以奉  
聖衆宣我聲曰一切衆賢悉厭忍以於善哉  
義尊之無放逸賢者憍桓鉢說是已竟意便  
而滅度滅度已從身出火還自闍維如火積  
薪燃炬矣闍維已竟便於空中放四流泉來  
下灌身水清且涼其色如水精琉璃之色彼

流水自然有聲而說頌曰

第一流水曰

智慧住生死

不當信浮雲

無常壞金剛

佛山王以崩

第二流水曰

所有常動搖

多畏勤苦害

不自在捨已

佛嘆滅度安

第三流水曰

如是無放逸

所作成其身

無數惱害擾

如燃燈疾滅

第四流水曰

眾中取有勝

當為稽首禮

尊者橋桓鉢

至於般泥白

樂從佛十力

於隨而滅度

譬如六牙為

其子慕逐母

於彼稽首禮

一切賢聖眾

唯願尊上僧

原我之所各

於是賢者憍桓鉢滅度之後賢者不那便取

衣鉢如彈指頃即時來還以奉眾僧次第禮

竟便說頌曰

人中之最尊

大哀而寂然

憍桓鉢聞之

應時便滅度

於彼稽首禮

一切賢聖眾

唯彰尊上僧

原我之所各

說是已後便自滅度於時一切眾僧皆計非

常須更思惟正經戒律諸法之解即悉赴會

比丘僧余時賢者大迦葉告阿那律曰仁者

且觀是衆會中誰有婬怒癡縛結未解思愛  
陰蓋頃學戒辯凡夫聚會也時阿那律察座  
訖白大迦葉有比丘名阿難世尊侍者方當  
學成彼來會此於是賢者大迦葉謂賢者阿  
難汝且起去我等不與卿共結經要阿難報  
曰願尊者大迦葉歡悅我不缺戒亦無邪見  
亦不壞業亦不失行亦不犯衆迦葉報曰唯  
且阿難卿侍如來親近世尊無有缺戒何足  
為恠又仁謂言我無所犯起取證舍勒來我  
當計卿前後過罪於是大迦葉適起此心三  
千世界六返震動百千天人住於虛空舉聲  
稱怨哉此大迦葉何以出辭乃尔於時賢者

迦葉謂阿難言仁者云何謂無所犯何故從  
佛求令女人出家為沙門阿難報曰唯大迦  
葉世尊母終時摩訶摩耶瞿曇彌勤苦養育  
躬奉世尊為菩薩時乳哺令長欲報其恩故  
求令作沙門愍念親族欲令得度是故求佛  
令作沙門又聞過去諸佛平等正覺有四輩  
衆我念世尊法教之化得無減少故從佛求  
使作沙門尊者迦葉曰唯阿難是為不足達  
孝報恩如來法身供養之德令女人作沙門  
者譬如成就稻田天大雨墮雹而破壞之佛  
正法者本當久立坐于女人出家作沙門令  
住千歲又阿難汝言我用愍念親族之故求

為沙門是為不應沙門之法以有親族思念  
故矣又阿難汝言過去諸平等正覺具有四  
輩故求為沙門者今時世人姪怒癡薄無有  
縛結志樂空閑心無瑕穢豈得比之今時人  
乎是為一過下竿着地又阿難汝復有過又  
世尊所說其有精進獲四神足者便能自在  
住壽一劫若復踰劫汝何為不從世尊求哀  
愍傷世間阿難荅曰唯尊者時魔波旬耗勞  
我意故不從佛求哀耳迦葉荅曰是為大過  
何謂侍於無欲當降魔力反從魔教是為二  
過阿難汝且不識是過汝復有過世尊訶汝  
汝時恨言他犯他坐是為三過次復有過汝

以足越世尊金縷織成衣是為四過阿難次  
復有過世尊臨般涅槃時欲至雙樹從汝求  
水而不與之是為五過汝復有過時佛世尊  
說諸雜碎隨順禁戒汝亦不念為當來人分  
別問之是為六過汝為以世尊陰馬之藏示  
於衆人是為七過阿難汝復有過何以故以  
世尊紫磨金色示于女人令上帝啼哭淚汗其  
足是為八過阿難汝復有過是衆會中無姪  
怒癡而汝獨有三垢之瑕汝方當學成其道  
化衆所作已辦而汝未達是為九過且起出  
會終不與卿共結經也賢者阿難普察四座  
悲哀音嗚呼甚毒何因乃尔乎我身今日已



離如來無救無護目不覩明世間為冥又賢者大迦葉其佛世尊臨滅度時告阿難汝莫啼悲無以我累於大迦葉今偶小誤而不相原唯仁者迦葉悅豫意解後不敢失也尊者迦葉謂阿難曰汝莫啼哭仁功德本以普具足我等法要會當如言直諫之辭不得不設阿難且起吾不與卿共結經要於是賢者阿那律謂大迦葉我等去何遠離阿難佛之侍者博聞摠持積要之藏次佛第三而結經要乎尊者大迦葉曰吾等不與阿難方學之類但共結集經義法要阿難且起自退而去吾與成就阿羅漢等乃俱結經於是阿難起坐

悲哀顧視衆比丘憂色而出應時其夜披祇  
支子爲示開解斷一切結得羅漢道逮三連  
智果大神通諸羅漢衆異日共會無數百千  
如阿湏倫捨月之光其明照耀普現世間阿  
難心悅脫諸瑕穢所作已辦尊者迦葉曰善  
哉善哉阿難卿遠平等吾心欣踊世尊所謂  
累者教令已度卿耳如是順次得斷諸漏又  
汝阿難其佛世尊講說法眼蒙仁博聞持法  
之恩當令永立於是頌曰

彼佛住世尊

所至爲第一

悉有如人民

道術不齊逝

於是甘露味

爲至普賢人

佛定滅寂然

以故教化布

於是諸耆年謂阿難曰汝當住須結集正經  
法律衆法之解於是衆會無數百千告阿難  
已念法恭敬具足玄廣普察比丘思佛功德  
而不可限於是頌曰

此比丘衆勝

以違遠佛德

不復有威耀

如空離日光

於是賢者阿難即觀師子之座衆比丘僧周  
帀圍繞如師子子處衆師子阿難坐已賢者  
大迦葉爲阿難說頌曰

大智願說之

安住子唯講

何所之經卷

卅尊最先說

迦葉爲阿難說是偈適竟阿難意即得佛覺

而念經道無所畏懼亦不動搖無所疑難遙  
向世尊般泥洹處一心叉手便口頌曰

聞如是一時 佛遊波羅奈 仙人鹿苑說

具足法輪經

衆尊甚多悉共勸助乃上師子座如師子行

第一說言聞如是一時隨尊所處所可聞經

皆悉誦宣時一切衆羅漢等聞是言已便皆

避坐下處于地心念如是嗚呼無常力吾等

自覩如來說法適余近耳今日云何聽聞如

是余時真人說此頌曰

咄三界恍惚 如月現于水 譬如彼幻化

猶芭蕉無堅 三界無等侶 功德最清淨

佛者常有終 忽乖如風起

尔時賢者大迦葉須臾聞禪思便嗟嘆曰嗚呼終力一切無脫於是頌曰

不願無智者 亦不護有智 脫與及未度

無有人歸盡 不以言呪濟 不用鹿辭免

世間無等耳 同如海水鹹

於是大迦葉從阿難聞是言已便慙慙受轉法輪經告阿若拘憐五比丘汝等所受如是不荅曰若斯如是比類結集正經藏結集律藏結集諸法藏結集經時諸天即來住于虛

空舉聲稱曰

衆上為阿難 示現諸教禁 造集正法經

哀愍衆人民 於是精集行 釋迦文善導

未來及現在 為得第一定

於是結集正經律禁諸法解已尊者大迦葉

即說頌曰

是為哀愍人 所建法經卷

則為無有量 其世間邪見

其光照耀遠 冥中燃大燈

迦葉結經

結集十力教 及念窮冥滅

撰集三藏及雜藏傳一卷

失譯附東晉錄

佛涅槃後迦葉阿難於是摩竭國僧伽尸成

此撰三藏及雜藏經

先禮佛已禮法眾僧

除去五盖一心聽受所說聚法

當共信樂是阿難智與佛同等聽集此法

如佛涅槃阿難富法愍念眾生護持諸法

如視世尊無上道士視阿難等福田無過

設非阿難釋種涅槃正法滅盡并及三藏

佛雨諸法哀念天人承以完器阿難受持

寄付慇懃阿難以法此人乃復終不漏脫

所聚法名分別等法如師子吼阿難所說

一一於前比丘各好阿難獨立佛自稱譽

若過世智若復俗智一切皆知阿難如海



汝等為此  
信向阿難  
聽所集法  
悉斷衆苦

世尊涅槃  
地為震動  
山海踊沸  
天人哭泣

世尊出晚  
涅槃何早  
人天孤遺  
諸道荒塞

神通徹視  
神足羅漢  
皆詣拘夷  
供養世尊

八萬四千  
過於無漏  
天人所敬  
福田無上

閻浮利地  
羅漢悉來  
世尊涅槃  
聚會於中

別有不還  
得頻來果  
溝港進學  
此輩一倍

梵行比丘  
無數百千  
舉手哭行  
世尊那去

我等盲聾  
三毒未除  
沒於五道  
誰當拔我

比丘尼千  
數三十五  
中有神通  
有漏無漏

帝釋梵天  
及無數天  
文陁華伎  
速持來到

四天大王  
各有將從  
栴檀珠瓔  
速賣來詣

及諸欲天

有色無色

九十六億

咸詣拘夷

無畏釋王

八萬牙為

名馬八萬

盡詣拘夷

舍衛月王

強勇聰明

名象七萬

皆到拘夷

阿闍世王

勇猛信佛

象七萬半

悲泣來詣

盤闍黎王

名明端正

為馬六萬

悉詣拘夷

憇心王煖

鬱光親厚

眾各五萬

皆來集會

西香眾國

諸王嚴仗

四色軍槃

數百千眾

速疾來至

欲見佛尸

龍王泣淚

追尋諸王

維耶離眾

為馬車乘

如諸天比

來詣拘夷

梵眾無數

井及清信

覩佛盡今

當覲涅槃

世界眾生

三十六億

皆詣拘夷

賫所喪具

萬百由延

拘夷處中

天人滿中

地無空缺

諸天散華

供養佛尸

鼓天伎樂

雨諸末香

諸王官屬

來詣佛尸

皆禮佛足

圍遶而立

諸王號泣

舉手悲號

不復見佛

為衆說法

阿闍世哭

來鳴佛足

我五逆人

持我付誰

諸王繞尸

散寶滿上

並作衆樂

香泥塗床

舉尸鐵棺

灌滿麻油

地為震動

諸王號哭

諸天墮淚

滴現於地

天王雨淚

普皆哭泣

天栴檀薪

如意雜香

積之于地

諸王四輩

大迦葉等

僧衆坐上

衆生所供

此大福田

迦葉衆僧

丘丘賢者

天帝人王

各共燃尸

登燒身時

天人號哭

嗚呼痛哉

我等如何

七日供養

諸天盡受

分為八分

著嬰丸第九

各還本所

王及九民

諸天還上

八部神歸

八分餘者

天龍神得

拘夷力人

得分立塔

八分八塔

第九鬘塔

炭塔第十

閻浮所起

迦葉僧自

行出拘夷

詣摩竭國

聚會眾僧

迦葉語僧

比丘莫行

當共集會

勿令法壞

於虛空中

迦葉鳴捷

欲使法久

勝於諸魔

迦葉語眾

及天與人

今當集法

令眾生安

佛雖涅槃

四諦故存

八道猶在

可獲涅槃

先佛長壽

人民有福

遺法日近

不久便盡

今人短命

佛出第七

涅槃之後

法那久存

不還頻來

見道未成

今集真僧

此不得入

天眼神足

大通無我

一切羅漢

我今集之

衆聞教聲 即各來集 八十千衆 皆是無漏  
迦葉問曰 弟阿那律 遍覩羅漢 誰不來者  
那律便觀 大千世界 見忉利天 有憍桓鉢  
律白迦葉 憍桓忉利 羅漢無漏 今不來會  
迦葉命召 而亦不來 世尊涅槃 世空何求  
迦葉心念 比丘能有 撰佛所說 經法者不  
遍看不見 能集十二 部經法義 佛所說者  
唯有阿難 是須陁洹 當爲設宜 使成無漏  
上座方便 觀阿難心 知有慈愍 得道未久  
迦葉詰難 不得入衆 汝不應入 今當出去  
阿難白曰 何耶上座 我於三尊 有何過失  
迦葉荅曰 弟欲知耶 汝於佛衆 有大過失

坐汝佛法 減於千歲 由汝勸佛 度於母人  
細微之戒 佛欲分別 汝何不問 細微戒耶  
尔時何念 輕慢於戒 佛已涅槃 今當問誰  
蹈佛大衣 佛渴索水 汝竟不與 非是過耶  
此比過多 是汝所作 非口所陳 是故當出  
阿難長嘆 悲惋墮淚 佛方更終 當何恃怙  
於此便去 坐一樹下 感結漏盡 佛法由興  
無數億天 圍遶阿難 來詣大會 師子無畏  
迦葉遙見 便謂衆僧 皆當速起 阿難今至  
八萬餘衆 皆是無垢 迦葉上首 叉手立迎  
迦葉舉手 善來阿難 便上高座 修理衆僧  
真大阿難 爲衆人眼 侍佛已竟 瞿曇福成

汝觀此僧

并觀天衆

世間久病

有三苦患

世間無主

道御涅槃

快共慈心

為衆說法

阿難默然

迦葉便請

上座欣笑

作師子吼

迦葉心念

相望能說

阿難今日

濟度天人

迦葉舉聲

大命衆生

欲度世者

皆來詣此

如佛所說

種種諸法

除衆生苦

阿難當說

一切知法

如散雜華

阿難當撰

分別三藏

如來說法

隨衆所欲

高座阿難

復當敷演

十方當聞

天龍鬼神

四部弟子

聞命即至

如人熱渴

思想飲水

奔走趣河

當於中飲

天龍鬼神

四輩弟子

來趣阿難

於中聞法

餘無數衆

進學見道

頻來不還

尋聲後到

阿那含道 二萬一千 斯陀舍衆 四萬二千

須陀洹僧 八萬四千 此等後到 亦欲聽法

諸王皆集 群臣兵衆 阿難儀容 衆覩咸歡

大衆次坐 方十由延 阿難在中 如月滿明

帝釋在右 梵天在左 侍於阿難 如佛在時

釋說偈讚 天子欣悅 覩大會故 阿難無畏

如轉法輪 圍遶佛時 瞻阿難顏 儀容巍巍

梵天亦尔 請於如來 世尊說法 阿難如是

魔聞名聲 亦來到此 并將妻子 及臣兵衆

波旬覩此 若干種衆 阿難在中 如日光明

阿難髻生 儀似山頂 項有日光 照於衆會

難陀髻出 迦葉項光 那律徹視 觀於大千



諸王在會

并及群臣

衆人千億

皆在此中

見會甚樂

阿難勇猛

波旬愁毒

心懷戰慄

波旬心念

一佛滅度

更有三出

佛力勢大

瞿曇涅槃

謂呼得脫

此三所得

其處甚大

見佛滅度

心甚喜悅

瞿曇法衰

無怨仇對

當設方宜

滅此殘法

四部弟子

及諸國王

魔便出教

勅師子將

速合四兵

盡滅此法

即起化兵

四種將王

圍遶大會

出可畏聲

收捕道人

清信男女

誅殺諸王

壞裂道場

衆會驚愕

四輩心念

此何從出

未成懷疑

諸王聞聲

皆懷驚怖

見魔兵衆

各自嚴仗

阿難心惟

誰來相撓

觀此兵衆

乃知魔爲

阿難便笑

勅王頓駕

此亂眾者

我自降之

難以慧力

葉以進力

伸手執魔

三屍繫咽

第一人屍

第二狗屍

第三蛇屍

胖爛難近

魔便首情

迦葉見收

羅漢應當

困於人耶

迦葉我前

極耗燒佛

世尊未曾

見困如今

若佛哀愍

被大慈鎧

終不加害

於諸群生

我等法集

欲令久興

汝何為來

耗攬我眾

魔即叉手

啓阿難曰

且俱放我

不復燒人

阿難使誓

迦葉亦尔

若後亂眾

屍還掛頸

三屍化去

波旬得免

魔便愁怖

別立一面

諸天稱善

佛法得勝

遺法久存

常當勝魔

迦葉勅眾

皆當靖定

阿難今說

如佛所演

諸王普起	又手待之	諸天悉悅	賢者視顏
迦葉語難	說經時到	發此寶箱	顯說上法
何說增一	何說增十	何說本起	何說諸界
阿難長嘆	師子振歎	四顧衆座	說聞如是
說一時已	地為震動	一億天人	還得法眼
舍衛增一	名彼增十	釋中本起	魔竭諸界
餘經亦介	處處演說	阿難以經	為大衆說
盡集諸經	以為一藏	律為二藏	大法三藏
經錄阿含	戒律大法	三分正等	以為三藏
已說大本	錄諸異法	合雜衆集	復為一藏
別經四分	名作阿含	增一中含	長雜四含
毗尼隨法	犯次可生	中者久童	苦行在後

大法諸分

作所生名

分別第一

然後各異

增一中含

長雜四含

迦葉問難

此義何謂

難答一一

比丘念佛

以是調意

故名增一

此後二法

思惟善心

兩法便生

止意分別

三處三法

眼

知宿命漏盡

四處四諦

五處五根

六處六大

七處七覺

八處八憶

九處九止

十處十力

十一處經

名放牛兒

慈經斷後

增一經終

從此義中

當一一解

此經若干

故名增一

猶如畫師

分部色像

是一增一

種種撰合

如藥無限

隨病和合

名其藥丸

故名增一

一一纏延

經緯成布

以一一說

成於增一

如合諸物

名空集音

種種諸經

故名增一

猶如草木

渥土起墻

圍覆於空

亦乃成舍

如是施戒

生天涅槃

以義圍遶

故名增一

如一種泥

成數種器

是一增一

種種義合

從此當知

種種義說

此經盡出

當持增一

亦不六長

亦不至短

結義得偶

名中阿含

字亦不鹿

亦不極細

言義正等

是故名中

除去上下

說於中法

棄於彼我

故名中含

小凶大凶

癡疑盡壞

以觀正諦

是故名中

於中長說

并及先世

劫世流轉

是故曰長

計於諸止

天上快樂

聞者歡喜

故名曰長

七世過佛

及攬大乘

佛之涅槃

是故曰長

諸寶計數

多有轉輪

諸王喜聞

故名曰長

此法當據

學之喜忘

欲斷諸結

是故曰雜

此法等含

義味共俱

聞之斷疑

故等名含

是修行地

禪智所趣

等見諸法

是名等含

盡此經中

撮行兩端

聞者多疑

故名等含

部外雜經

諸天讚偈

皆入其中

故名等含

附近法者

得好淨意

斷諸諍訟

故名戒律

分別中戒

得淨精進

聞者皆調

是名戒律

比丘行是

得益於中

破碎衆結

故名戒律

忍諸結垢

比丘學是

除諸惡行

是名戒律

觀視諸法

從法得益

墮甘露地

故名毗尼

迦旃造竟

持用呈佛

佛言上法

當名上法

於中破癡

益於世間

此眾經明

故名大法

揔持外道

斷於貢高

眾法牙旗

是名大法

譬如明燈

照於眾物

以見諸形

故名大法

此眾經義

如芒甘露

是諸法味

此大法義

諸經戒律

勤思惟持

勿令放捨

繫縛三藏

分別字義

比丘諸天

千萬稱言

迦葉復問

云何四藏

阿難可說

為眾生故

阿難荅曰

此說各異

隨眾意行

是名雜藏

佛說宿緣

羅漢亦說

天梵外道

故名雜藏

中多偈頌

問十二緣

此各異人

是名雜藏

三阿僧祇

菩薩生中

所生作緣

故名三藏

中多宿緣

多出所生

與阿含異

是名雜藏

雜藏之法

讚菩薩生

此中諸義 多於三藏 都合諸法 結在一處  
何等比丘 能盡持者 當來世時 比丘多愚  
此輩不能 盡持三藏 後當作師 從經出頌  
由此益增 是故不合 處處有喜 四阿含者  
或喜毗尼 又喜大法 或喜外頌 或喜雜藏  
故不一名 盡說諸法 結四阿含 集錄諸數  
并律大法 聚為三藏 聞是法已 天神及人  
三千比丘 還得漏盡 不還八千 頻來十千  
無數天人 得見道迹 此法久住 為天人故  
諸王常勝 盡受百秋 一切天人 諸王比丘  
皆共稱善 如阿難說 集法已訖 天人各還  
四輩弟子 皆歸本所



佛涅槃後迦葉阿難等於摩竭國僧伽尸城北造集三藏正經及雜藏經常所云四篋者合雜言也凡二百首盧上增一阿含從一至十為十一處經者撰諸十一事經以放牛兒十一事經為始以行慈十一事經為終因其所引便出其經以事相連故合為一卷此放牛經者佛說放牛十一事以況比丘道具十

一行成道樹根栽枝葉茂盛多所覆蔭因放牛兒於坐發念佛知其意故說言十一事以斥行者放牛者即解便逮得還羅漢

佛涅槃後撰集三藏經

歎

込葉經

蛇

一音元

下愚官反

毒蛇也

別名也

篋

苦怙反

遠也

深孚

信也

無反

眴

上音舜

動目

傾領反

崩字

偽

象字

或

鹹

也

一同音咸

鹽味

撰集三藏及雜藏傳

溝港

上流謂已

入聖流也

今云

溝港

取入

流之

義是

一

項

瓶

也

長

悲

惋

也

托

撓

上呼

高

反

手

作

也

經

緯

謂

音

壘

土

字

也

根

截

才

下

反

子

得

也

經

緯

謂

音

壘

土

字

也

經

緯

謂

音

壘

土

字

